

**ACTA DA SESIÓN EXTRAORDINARIA DO PLENO DO DÍA 3 DE AGOSTO DE
2023.**

No salón de sesións do Pazo Provincial da Deputación de Ourense, ás 10.00 horas do día tres de agosto de dous mil vinte e tres, reúnese o Pleno da Corporación Provincial, coa asistencia dos seguintes deputados e deputadas:

Presidente: Don Luis Menor Pérez

Deputados/as do Grupo Popular:

Don Rosendo Luis Fernández Fernández

Don Plácido Álvarez Dobaño

Don José Miguel Pérez Blecua

Don César Manuel Fernández Gil

Dona Ana Patricia Torres Madureira

Don José María Lago Cabo

Dona María Teresa Barge Bello

Dona Marta Novoa Iglesias

Don Jorge Pumar Tesouro

Don Manuel Seoane Rodríguez

Dona María del Carmen González Quintela

Deputados/as do Grupo Socialista:

Don Álvaro Vila Araújo

Don Diego Fernández Nogueira

Dona Marina Vaz Quintillán

Don Aurentino Alonso Araújo

Dona Susana Rodríguez Estévez

Dona Elvira Lama Fernández

Deputados do Grupo de Democracia Ourensana:

Don Armando Ojea Bouzo

Don Gonzalo Pérez Jácome

Don Rafael Martínez Cachafeiro

Deputados/as do Grupo do BNG:

Don Bernardo Varela López

Don Xosé Manuel Puga González

Dona María José Mangana Guede

Secretario: Don Juan Marquina Fuentes

Interventora: dona Mónica Legaspi Díaz

Non asiste o deputado do Grupo Socialista don José Ignacio Gómez Pérez, que escusou a súa ausencia.

Seguidamente iniciouse o tratamento dos asuntos incluídos na orde do día, do xeito que se reflicte a continuación e que está dispoñible integramente no Portal Vídeo Acta, no seguinte enlace: [ver vídeo acta](#)

1º.- APROBACIÓN DA ACTA DA SESIÓN ANTERIOR, CORRESPONDENTE Á DE CONSTITUCIÓN DA DEPUTACIÓN DO DÍA 17 DE XULLO DE 2023.-

A Secretaría Xeral deu traslado do borrador da acta da sesión anterior, correspondente á constitutiva da Deputación Provincial, do día 17 de xullo de 2023, así como dunha errata detectada na páxina 1, da que propón a súa rectificación.

Non se producen intervencións e, por unanimidade, o Pleno adopta o seguinte acordo:

Aprobar a acta de constitución da Corporación Provincial do día 17 de xullo de 2023, conforme co borrador elaborado pola Secretaría Xeral.

-

2º.- RÉXIME DE SESIÓNS DO PLENO PARA O MANDATO 2023-2027.-

O Sr. secretario dá lectura á proposta da Presidencia.

Non se producen intervencións e por unanimidade, o Pleno adopta o seguinte acordo:

- Que as sesións ordinarias do Pleno desta Corporación teñan lugar con periodicidade mensual, celebrándose en primeira convocatoria, o último venres de cada mes, ás 10.00 horas, no Pazo Provincial. Se coincide en festivo ou a sesión non tivese lugar por calquera outra causa, a supletoria tería lugar o luns seguinte, ou primeiro día hábil posterior, -se este fose inhábil-, á mesma hora. O Pleno poderá modificar a data das sesións ordinarias, tralo informe da Xunta de Portavoces.

- Facúltase á Presidencia para suspender a convocatoria e celebración do Pleno ordinario correspondente ao mes de agosto, como consecuencia do período vacacional, e cando iso non menoscabe a xestión dos asuntos provinciais. A dita facultade enténdese sen prexuízo da convocatoria de sesións extraordinarias, nos supostos previstos no artigo 46.2 a) da Lei 7/1985, reguladora das bases do réxime local.

- **3º.- RÉXIME DE SESIÓNS DA XUNTA DE GOBERNO PARA O MANDATO 2023-2027.-**

O Sr. secretario dá lectura á proposta da Presidencia.

Non se producen intervencións e por unanimidade, o Pleno adopta o seguinte acordo:

- Establecer que as sesións ordinarias da Xunta de Goberno se realicen con periodicidade semanal. Corresponderalle á Presidencia fixar, mediante decreto, o día e hora en que deban realizarse as sesións ordinarias.

- **4º.- CREACIÓN E COMPOSICIÓN DAS COMISIÓNS INFORMATIVAS PERMANENTES PARA O MANDATO 2023-2027.-**

O Sr. secretario dá lectura á proposta da Presidencia.

Non se producen intervencións e por unanimidade, o Pleno adopta o seguinte acordo:

1º. Crear na Deputación Provincial de Ourense e para o mandato 2023-2027, as comisións informativas permanentes que se indican a continuación:

COMISIÓNS

- 1.- ADMINISTRACIÓN PROVINCIAL, TRANSPARENCIA E EMERXENCIAS.
- 2.- ESPECIAL DE CONTAS, FACENDA E RECURSOS HUMANOS.
- 3.- COOPERACIÓN, INFRAESTRUTURAS E MEDIO RURAL.
- 4.- POLÍTICAS SOCIAIS.
- 5.- TURISMO, TERMALISMO E MEDIO AMBIENTE.
- 6.- CULTURA, EDUCACIÓN, DEPORTES E MOCIDADE.

2º. Cada comisión estará integrada por catorce deputados/as coa seguinte distribución: seis (6) representantes do Grupo Popular, catro (4) representantes do Grupo Socialista, dous (2) do Grupo do BNG e dous (2) do Grupo de Democracia Ourenzana. Será presidente nato de todas elas o presidente da Deputación, sen prexuízo da posibilidade da delegación da Presidencia, de conformidade co previsto no artigo 125.a) do ROF.

No cómputo dos seis representantes do Grupo Popular inclúese ao presidente. No suposto en que o presidente delegase a presidencia dunha comisión noutro deputado, designarase un representante do Grupo Popular, co fin de que manteña os seis representantes que lle corresponden en cada comisión.

Os grupos políticos designarán aos seus representantes en cada comisión, e poderán acordar a substitución destes, cando o consideren oportuno, todo iso mediante escrito que deberá dirixirse á Presidencia. Nos casos de ausencia dalgún integrante da comisión, e previa comunicación ao presidente/a da mesma ao inicio da sesión, calquera deputado/a do respectivo grupo político provincial poderá substituír ao deputado/a ausente.

3º. As sesións ordinarias das comisións informativas permanentes terán lugar do seguinte xeito:

- Os mércores (a partir das 17.00 horas) da semana anterior á de realización do Pleno ordinario mensual:

ADMINISTRACIÓN PROVINCIAL, TRANSPARENCIA E EMERXENCIAS.

ESPECIAL DE CONTAS, FACENDA E RECURSOS HUMANOS.

COOPERACIÓN, INFRAESTRUTURAS E MEDIO RURAL.

- Os xoves (a partir das 17.00 horas) da semana anterior á de realización do Pleno ordinario mensual:

POLÍTICAS SOCIAIS.

TURISMO, TERMALISMO E MEDIO AMBIENTE.

CULTURA, EDUCACIÓN, DEPORTES E MOCIDADE.

Non obstante o anterior, e por motivos xustificados, a Presidencia poderá modificar os días e hora de realización das comisións, procurando en todo caso que teñan lugar entre o luns e o xoves da semana anterior á da sesión ordinaria do Pleno mensual.

As comisións informativas poderán realizar sesións extraordinarias ou extraordinarias e urxentes, conforme coas normas xerais de aplicación.

-

- **5º.- DESIGNACIÓN DE CARGOS E REPRESENTANTES DA DEPUTACIÓN PROVINCIAL NOUTROS ORGANISMOS E ENTIDADES DEPENDENTES, VINCULADAS OU ADSCRITAS PARA O MANDATO 2023-2027.-**

O Sr. secretario dá lectura á proposta da Presidencia.

A continuación prodúcese as seguintes intervencións:

- 1ª intervención Diego Fernández (grupo do PS de G-PSOE): Fai uso da palabra para sinalar que o seu grupo vai votar a favor desta proposta, se ben considera importante lembrar que algúns entes ou organismos dependentes desta Deputación ou nos que esta participa, nestes últimos anos vimos a necesidade de que teñen que mudar por razón de produtividade, de operatividade e incluso a veces de democracia, polo que anunciamos a nosa máxima colaboración para que durante este mandato podamos mellorar todas aquelas cousas que fomos detectando que poden mellorarse.

- A Presidencia agradece a colaboración ofrecida e indica que entre todos tentaremos de que funcionen da mellor maneira posible.

O contido íntegro das intervencións transcritas anteriormente recóllense no punto 5º da vídeo acta da sesión, dispoñible no seguinte enlace: [ver punto 5º](#)

Non se producen máis intervencións e por unanimidade, o Pleno adopta o seguinte acordo:

- **Designar aos seguintes cargos e representantes da Corporación Provincial nos organismos e entidades que se mencionan:**

INORDE:

Segundo os artigos 7 e 12 dos Estatutos do INORDE (BOP núm. 231 de data 05.10.2004), corresponde ao pleno da Deputación designar ao Presidente, a un/ha deputado/a provincial e a catro persoas con recoñecida actividade empresarial ou profesional.

- **Presidente:** D. Rosendo Luís Fernández Fernández.

- **Un (1) deputado provincial:** D. Plácido Álvarez Dobaño.

- **Un (1) representante doutras organizacións empresariais diferentes da CEO:** D. Santiago Ferreiro Pérez, presidente da Asociación de Construtores de Ourense

Catro (4) vogais entre persoas con recoñecida actividade empresarial ou profesional (representación dos grupos):

- Dona Susana Rodríguez Estévez, deputada provincial do PS de G-PSOE

- Don Xosé Manuel Puga González, deputado provincial do BNG

- Don Rafael Martínez Cachafeiro, deputado provincial de Democracia Ourensana

- Don Aurelio Gómez Villar.

CONSORCIO PROVINCIAL DE OURENSE PARA A PRESTACIÓN DO SERVIZO CONTRA INCENDIOS E DE SALVAMENTO:

Segundo o artigo 8 dos Estatutos do Consorcio provincial de Ourense para o servizo contra incendios e salvamento (DOG núm. 86 de data 08.05.2015), corresponde ao pleno da Deputación designar a dous (2) representantes da Deputación Provincial no pleno do Consorcio.

1º representante titular: D. Plácido Álvarez Dobaño, deputado provincial.

Suplente: D. José María Lago Cabo, deputado provincial.

2º representante titular: D. Aurentino Alonso Araújo, deputado do PS de G-PSOE.

Suplente: D. Bernardo Varela López, deputado do BNG.

Por determinación do mesmo artigo 8 dos estatutos do Consorcio, ademais dos dous representantes designados neste acordo, formará parte do Pleno do Consorcio a persoa titular da Presidencia ou deputado/a no/a que delegue.

XUNTA XERAL DE AQUA OURENSE, SOCIEDADE PROVINCIAL DE AUGAS E MEDIO AMBIENTE SA:

Segundo o artigo 10 dos Estatutos de AQUA OURENSE, sociedade provincial de augas e medio ambiente S.A., corresponde ao Pleno da Deputación designar ao representante da Deputación na Xunta Xeral da Sociedade. Segundo dispón o apartado 3º do mencionado artigo 10, será Presidente da Xunta Xeral o representante da Deputación designado por esta. Ademais, correspóndelle ao Pleno designar ao secretario da Xunta Xeral, entre funcionarios da Deputación Provincial.

Representante da Deputación na Xunta Xeral:

- **Titular:** D. Plácido Álvarez Dobaño.

- **Suplente:** D^a. Marta Nóvoa Iglesias.

Secretario da Xunta Xeral:

- **Titular:** D. Juan Marquina Fuentes.

- **Suplente:** D. Adamantino Barreiro García.

COMISIÓN LIQUIDADORA DE URBA OURENSE, SOCIEDADE URBANÍSTICA PROVINCIAL, SA:

Segundo o artigo 15 dos Estatutos da Sociedade, o Consello de Administración, formado por nove membros elixidos pola Xunta Xeral (que segundo o artigo 10 dos Estatutos é o Pleno da Deputación), dos cales catro serán membros da Corporación e cinco persoas que posúan unha especial cualificación técnica, podendo recaer o dito nomeamento en persoal ao servizo da Deputación Provincial.

- Catro (4) membros da Corporación:

- D. Plácido Álvarez Dobaño (PP)
- D. Diego Fernández Nogueira, deputado provincial do PS de G-PSOE
- D. María José Mangana Guede, deputada provincial do BNG
- D. Rafael Martínez Cachafeiro, deputado provincial de Democracia Ourense

- Cinco (5) persoas con especial cualificación técnica a proposta da Presidencia:

- D.^a M.^a de los Ángeles Cantón Álvarez
- D.^a Marta Docampo González
- D.^a Antonio Carlos Sánchez Moro
- D.^a Eva Reza Paz
- D.^a Begoña Álvarez Matos

- Secretario da Comisión Liquidadora a proposta da Presidencia:

Titular: D. Juan Marquina Fuentes.

Suplente: D. Adamantino Barreiro García.

De conformidade co artigo 15 dos Estatutos de Urbaourense désígnase presidente da Comisión Liquidadora a don Plácido Álvarez Dobaño, e vicepresidente a Rafael Martínez Cachafeiro, deputado provincial de Democracia Ourense.

PADROADO DA FUNDACIÓN PÚBLICA GALEGA DE FEIRAS E EXPOSICIÓN DE OURENSE (EXPOURENSE):

Segundo o artigo 15 dos Estatutos de EXPOURENSE, corresponde á Deputación Provincial a representación no mesmo mediante dous (2) membros, o presidente, ou persoa do Pleno en quen delegue, en calidade de vicepresidente terceiro, e un membro máis como vogal, do propio Pleno ou organismo autónomo en quen delegue.

Vicepresidente terceiro do Padroado:

- O presidente da Deputación D. Luis Menor Pérez.

Vogal en representación da Deputación ou organismo autónomo en quen delegue:

- O deputado provincial D. Rosendo L. Fernández Fernández.

-

6º.- DELEGACIÓNS DE COMPETENCIAS DO PLENO NA XUNTA DE GOBERNO PARA O MANDATO 2023-2027.-

O Sr. secretario dá lectura á proposta da Presidencia.

Non se producen intervencións e por unanimidade, o Pleno adopta o seguinte acordo:

Delegar na Xunta de Goberno o exercicio das seguintes competencias:

- a)** O exercicio de accións xudiciais e administrativas e a defensa da Corporación en materias de competencia plenaria.
- b)** A declaración de lesividade dos actos administrativos ditados polo presidente ou pola propia Xunta de Goberno.
- c)** A concertación das operacións de tesourería a que se refire o artigo 33.2.k) da Lei de bases do réxime local.
- d)** As contratacións, concesións, adquisicións e alleamento de bens e dereitos a que se refire a disposición adicional 2ª, apartados 2 e 10, da Lei 9/2017 de contratos do sector público, sen prexuízo das previstas nos artigos 47.2.j) e m) da Lei de bases do réxime local, que seguirán sendo de competencia do Pleno. A delegación das competencias en materia de contratación comprende tamén a da aprobación dos proxectos de obras, servizos e subministracións correspondentes, así como a aprobación de calquera trámite de competencia plenaria vinculado á contratación de referencia.
- e)** A fixación dos prezos públicos pola prestación dos servizos de cooperación e asistencia a municipios e outras entidades locais en materia de servizos relacionados co ciclo hidráulico, de conformidade cos criterios establecidos na Ordenanza reguladora dos ditos prezos públicos publicada no Boletín Oficial da Provincia do 18 de xuño de 2009, que abranguerá os aspectos sinalados no artigo 3.3 da dita Ordenanza.
- f)** A fixación dos prezos públicos correspondentes a publicacións que edite a Deputación Provincial, de conformidade cos criterios establecidos no artigo 14 da Ordenanza provincial reguladora do servizo de publicacións, publicada no Boletín Oficial da Provincia de 19 do novembro de 2013.
- g)** A fixación dos prezos públicos polos servizos prestados na Escola de Artes e Oficios da Deputación, conforme co establecido na súa ordenanza reguladora.
- h)** A fixación dos prezos públicos polos servizos prestados pola Real Banda de Gaitas da Deputación Provincial de Ourense, de conformidade co establecido no artigo 17 da súa Ordenanza reguladora.
- i)** A fixación dos prezos públicos polos servizos prestados pola Escola Provincial de Gaitas da Deputación Provincial de Ourense, de conformidade co establecido no artigo 30 da súa Ordenanza reguladora.

- j)** A fixación dos prezos públicos polos servizos prestados pola Escola de Danza da Deputación Provincial de Ourense, de conformidade co establecido no artigo 4 da súa ordenanza reguladora.
- k)** A fixación dos prezos públicos polos servizos de actividades culturais, deportivas, educativas e de ocupación do tempo libre promovidas pola Deputación, de conformidade co establecido nos artigos 2 e 3 da ordenanza reguladora destes servizos.
- l)** A fixación de prezos públicos pola utilización de instalacións e centros culturais da Deputación Provincial de Ourense.
- m)** A fixación de prezos públicos por calquera outro servizo prestado pola Deputación Provincial e que non estea comprendido nas letras e), f), g), h), i), j), k) e l) do presente artigo.
- n)** As atribucións en materia de expropiación forzosa que sexan delegables, de conformidade co disposto na Lei de Expropiación Forzosa, o Regulamento de Expropiación Forzosa e demais normativa de pertinente aplicación, incluíndo a adopción do acordo de necesidade de ocupación nos procedementos ordinarios de expropiación forzosa, a solicitude da declaración de urxente ocupación dos bens e dereitos afectados pola expropiación e a adopción dos acordos de aprobación inicial e definitiva dos procedementos de taxación conxunta.
- ñ)** A solicitude de subvencións a outras administracións e entidades públicas, así como os acordos de aceptación das concedidas, cando a normativa xeral ou específica aplicable a cada caso determine a competencia do pleno para elo, e sen prexuízo das competencias da Presidencia nesta materia.
- o)** A autorización ou denegación de compatibilidade do persoal ao servizo da entidade local para un segundo posto ou actividade no sector público, así como a resolución motivada recoñecendo a compatibilidade ou declarando a incompatibilidade do citado persoal para o exercicio de actividades profesionais, laborais, mercantís ou industriais, a que se refiren os artigos 9 e 14 da Lei 53/1984, do 26 de decembro, de incompatibilidades do persoal ao servizo das administracións públicas.

O exercicio das competencias delegadas comprenderá a facultade de resolver os recursos administrativos contra os actos que se diten no exercicio das ditas delegacións. En todo caso, a adopción de acordos pola Xunta de Goberno por delegación do Pleno requirirá a emisión previa do ditame preceptivo pola comisión informativa correspondente, salvo nos supostos de urxencia nos que se dará conta do acordo adoptado á comisión informativa na primeira sesión que esta realice. Quedan revogados os acordos de delegación conferidos á Xunta de Goberno

no mandato 2019 - 2023. O presente acordo de delegación producirá efectos a partir do día seguinte ao da súa adopción, sen prexuízo da súa preceptiva publicación no BOP.

-

- **7º.- MODIFICACIÓN DO TÍTULO VI, BASES 87 A 97, DAS DE EXECUCIÓN DO ORZAMENTO PROVINCIAL.-**

O Sr. secretario dá lectura á proposta da Presidencia.

Non se producen intervencións e por unanimidade, o Pleno adopta o seguinte acordo:

1º) Dar nova redacción ao Título VI das bases de execución do orzamento xeral da entidade para o exercicio 2023, quedando redactado como segue:

“TÍTULO VI.- RETRIBUCIÓN E INDEMNIZACIÓN DOS MEMBROS DA CORPORACIÓN E GRUPOS POLÍTICOS

CAPÍTULO I.- INDEMNIZACIÓN E COMPENSACIÓN

BASE 87ª.- NORMATIVA DE APLICACIÓN

As indemnizacións e compensacións para os membros corporativos que deseguido se detallan se establecen de conformidade co disposto no artigo 75 da Lei 7/1985, do 2 de abril, reguladora das bases de réxime local (LBRL en diante), e no artigo 13 do Real Decreto 2568/1986, do 28 de novembro, polo que se aproba o regulamento de organización, funcionamento e réxime xurídico das Entidades Locais (ROFEL en diante).

BASE 88ª.- DIETAS POR ASISTENCIA A ÓRGANOS COLEXIADOS

Considerando que non se retribúe, agás nos casos de dedicación exclusiva ou parcial, a actividade ou dedicación dos membros corporativos, necesaria para o desempeño do seu cometido, régúlase o réxime de asistencias na seguinte forma e contía:

- ***Por cada asistencia á sesión do Pleno: 350,00 euros, cun máximo dunha percepción por mes.***
- ***Por cada asistencia ás sesións da Xunta de Goberno e das Comisións Informativas: 200,00 euros.***

BASE 89ª.- AXUDAS DE CUSTO

Por asistir a actos de xestión ou representación provincial, aboaranse os gastos xustificadas e no seu defecto, os importes detallados no cadro seguinte, sen prexuízo de eventuais modificacións legislativas:

GRUPOS	Por aloxamento	Por manutención	Dieta Enteira
<i>Grupo I</i>	92,31 €	48,01 €	140,31 €
<i>Grupo II</i>	59,38 €	33,66 €	93,04 €
<i>Grupo III</i>	44,03 €	25,39 €	69,42 €

CAPÍTULO II.- SUBVENCIONS AOS GRUPOS POLÍTICOS

BASE 90ª.- CONTÍA E FORMA DE PAGAMENTO DAS SUBVENCIONS

De conformidade co artigo 73.3 da LBRL e o artigo 13 do ROFEL recóllese a disposición no Orzamento anual dunha dotación económica que se destinará aos grupos políticos con representación na corporación provincial.

Estas asignacións teñen os importes seguintes:

- ***Compoñente fixo: 1.500,00 euros mensuais a cada grupo.***
- ***Compoñente variable: 1.100,00 euros mensuais por cada deputado.***

As subvencións pagaranse aos grupos mensualmente, en concepto de pagamento a conta da xustificación anual do gasto.

Con independencia da subvención prevista nesta base, os grupos terán dereito ao uso dun local no Pazo Provincial, dotado de mobiliario e enerxía eléctrica.

Os restantes gastos de funcionamento, tales como material de oficina e gastos de teléfono e de correspondencia, serán de conta de cada grupo.

No caso dos gastos telefónicos e de conexión a internet, de ser estes soportados pola Deputación, deducirase a súa contía nas sucesivas liquidacións mensuais da subvención ao grupo.

BASE 91ª.- DESTINO DAS SUBVENCIONS AOS GRUPOS

As subvencións aos grupos políticos provinciais destinaranse exclusivamente ao financiamento dos seguintes gastos:

a. Gastos de funcionamento dos grupos políticos.

Para estes efectos, non se considerarán en ningún caso como gastos subvencionables os seguintes:

- *Gastos en comida e bebida.*
- *Remuneracións de persoal de calquera tipo ao servizo da Corporación.*
- *Adquisición de bens que poidan constituír activos fixos de carácter patrimonial. Para estes efectos, non terán a consideración de gastos en adquisición de activos fixos de*

carácter patrimonial os sinalados no artigo 108.2 da Lei 37/1992, de 28 de decembro, do Imposto sobre o Valor Engadido.

- b. Aportacións realizadas desde os grupos políticos aos partidos políticos para o financiamento dos seus gastos ordinarios de funcionamento.***

BASE 92ª.- CONTABILIDADE DAS SUBVENCÍONS

Cada grupo político provincial deberá levar unha contabilidade específica desta dotación.

Os gastos contabilizados deberán soportarse documentalmente cos seus xustificantes (facturas ordinarias ou simplificadas, e recibos nos casos en que legalmente non sexa esixible a factura), así como os extractos dos movementos bancarios correspondentes.

Tanto a contabilidade como a relación documental xustificativa deberá ser custodiada polo portavoz do grupo respectivo e posta a disposición do Pleno cando este a requira.

BASE 93ª.- XUSTIFICACIÓN ANUAL DAS SUBVENCÍONS

Os grupos estarán obrigados a presentar anualmente a xustificación das subvencións recibidas durante o ano en cuestión, nos termos que se detallan deseguido:

- *O portavoz de cada grupo provincial presentará ante a Intervención Xeral, **durante o mes posterior ao termo de cada ano:***
 - ***unha xustificación dos gastos realizados no período anual correspondente, conforme ao modelo indicado no Anexo II destas bases (en formato idéntico ou semellante a unha conta de perdas e ganancias da contabilidade levada polo grupo);***
 - ***e unha copia do extracto bancario no que se reflectan todos os movementos da conta corrente aberta polo grupo político que teñan relación co ingreso provincial.***

A xustificación deberá ser asinada polo portavoz do grupo político correspondente, facendo constar expresamente que os pagamentos se efectuaron exclusivamente para atender gastos subvencionables.

- *Para a xustificación das aportacións transferidas aos partidos políticos, deberá xustificarse o movemento baixo o epígrafe de “Aportación para o financiamento dos gastos ordinarios de funcionamento do partido”, debendo acompañarse un escrito, asinado polo portavoz do grupo e polo responsable da xestión económico-financeira do partido político, no que se declare que a aportación realizada se destinou á colaboración nos gastos ordinarios de funcionamento do partido.*
- *Os grupos políticos poderán designar un responsable económico do grupo distinto ao portavoz, ao que lle corresponderán as obrigas establecidas nesta base de execución*

para o portavoz. Para ser efectiva, esta designación deberá comunicárselle á Intervención Xeral, mediante escrito asinado polo portavoz e acompañado da acta da designación do tesoureiro do grupo, asinada por tódolos seus integrantes.

- *A Intervención Xeral efectuará a fiscalización da xustificación, elevando a proposta de resolución correspondente á Presidencia nos seguintes termos:*
 - *No caso de que se considere totalmente xustificada a subvención, propondrá a súa declaración como xustificada.*
 - *No caso de que non se considere totalmente xustificada, propondrá a declaración da súa xustificación parcial e a orde de reintegro das cantidades que correspondan, máis os xuros legais aplicables.*

A Presidencia ditará resolución conforme á proposta da Intervención, agás que considere que esta infrinxe o ordenamento xurídico, en cuxo caso poderá apartarse de forma motivada da proposta, previos os informes que considere oportunos.

A resolución da Presidencia publicarase no Portal de Transparencia da Deputación, en unión dos informes de Intervención e da documentación presentada polos grupos (excluídos os extractos bancarios, que non serán obxecto de publicación) e remitirase con copia desa mesma documentación ao Tribunal de Contas, para os efectos informativos.

Igualmente, seralles notificada aos portavoces dos grupos, que poderán exercer as accións administrativas e legais previstas no ordenamento xurídico.

En todo caso, a orde de reintegro terá carácter inmediatamente executivo, debendo efectuarse o ingreso nos prazos previstos na lexislación tributaria para a notificación das débedas de Dereito Público.

En caso de impago, a Deputación fará efectivo o dereito de reintegro mediante os procedementos de recadación executiva.

Os membros do grupo provincial serán subsidiariamente responsables (e solidariamente entre si) das débedas do grupo coa Deputación.

- *Serán obxecto de publicación no Portal de Transparencia da Deputación de Ourense os estados – resumo, a declaración das aportacións aos gastos dos partidos e o informe da Intervención. A publicación realizarase polos propios servizos da Corporación.*
- *Durante o primeiro trimestre do ano seguinte ao que faga referencia a xustificación anual, os informes da Intervención Xeral, xunto coa documentación presentada polos*

respectivos grupos provinciais existentes, remitiránselle ao Departamento de Partidos Políticos do Tribunal de Contas.

BASE 94ª.- XUSTIFICACIÓN DE FIN DE MANDATO

Durante o mes seguinte á constitución da nova Corporación, os portavoces ou responsables económicos dos grupos saíntes deberán presentar ante a Intervención Xeral a xustificación dos gastos subvencionados realizados desde o 1 de xaneiro do ano en cuestión ata o día en que se faga efectiva a súa saída como membros da Corporación, sendo de aplicación os termos recollidos na base de execución anterior.

CAPÍTULO III.- DO PERSOAL EVENTUAL AO SERVIZO DOS GRUPOS POLÍTICOS

BASE 95ª.- PERSOAL EVENTUAL AO SERVIZO DOS GRUPOS POLÍTICOS

A Deputación porá a disposición dos grupos políticos medios persoais para a realización de funcións de apoio, de confianza política e asesoramento especial, de conformidade co acordo plenario correspondente e coa lexislación vixente.

CAPÍTULO IV.- DEDICACIÓNS EXCLUSIVAS E RETENCIÓNS DO IRPF

BASE 96ª.- DEDICACIÓNS EXCLUSIVAS

O réxime de dedicacións exclusivas aplicable será o determinado no acordo plenario correspondente.

BASE 97ª.- RETENCIÓNS DO IRPF

A retención a practicar polo I.R.P.F. por asistencias a órganos colexiados, será o resultado de aplicar ás retribucións percibidas o tipo fixado na táboa xeral, tendo en conta a situación familiar existente o primeiro día do período impositivo, porcentaxe que non poderá ser inferior ao 15 por cento.

Calcularase a contía das ditas retribucións elevando ao ano a percibida o primeiro mes do ano natural, cantidade que se presume non inferior á percibida polo mesmo concepto durante o ano anterior”.

2º) Ao abeiro do establecido no artigo 39.3 da Lei 39/2015, do 1 de outubro, de procedemento administrativo común das administracións públicas, o presente acordo, unha vez aprobado definitivamente e publicado no Boletín Oficial da Provincia, terá efectos dende o día 3 de agosto de 2023. No caso dos nomeamentos de cargos en réxime de dedicación exclusiva ou parcial, a súa eficacia producirase dende a data do correspondente nomeamento, no caso de que este fose posterior ao 3 de agosto.

3º) O presente acordo someterase a información pública polo prazo de 15 días hábiles mediante anuncio que se publicará no Boletín Oficial da Provincia de Ourense. Transcorrido o dito prazo sen que se formularsen alegacións o acordo entenderase automaticamente elevado a definitivo, procedéndose á publicación do texto íntegro do título modificado no Boletín Oficial da Provincia, en cumprimento do establecido no artigo 75 da Lei de bases do réxime local. No caso de formularse alegacións estas serán resoltas polo Pleno.

-

- **8º.- RÉXIME RETRIBUTIVO E DE ASISTENCIAS DOS CORPORATIVOS PARA O MANDATO 2023-2027.-**

O Sr. secretario dá lectura á proposta da Presidencia.

A continuación prodúcense as seguintes intervencións:

- 1ª intervención Álvaro Vila (grupo do PS de G-PSOE): Intervén para manifestar que é entendible que os grupos políticos sempre teñen circunstancias internas que poden xerar tensión nas propias organizacións ante un pleno de organización. Pero tamén entenden que estas vicisitudes non deben condicionar en exceso a decisión que finalmente se toman e deben ser resoltas no seo do partido político que as xera e non na institución. Fai catro anos se podía entender que esta institución se dotase dunha organización con tres vicepresidencias, xa que estábamos ante un goberno de coalición de dúas formacións políticas. Neste mandato, cun goberno en minoría e dun partido político único, parécenos excesiva a estrutura de tres vicepresidencias, xa que as cuestións internas non deben condicionar o organigrama da institución provincial. En todo caso, vendo o consenso manifestado nos diferentes acordos que se adoptan neste plenario e neste pleno de organización, o noso voto vai a ser favorable ao conxunto da proposta.

- 1ª intervención Ana Patricia Torres (grupo do PP): Fai uso da palabra para matizar que o grupo político maioritario, que o PP, continúa neste mandato con doce deputados e deputadas, que é o mesmo número que no mandato anterior, polo que entende que o que funciona non é necesario mudalo.

O contido íntegro das intervencións transcritas anteriormente recóllense no punto 8º da vídeo acta da sesión, dispoñible no seguinte enlace: [ver punto 8º](#)

Non se producen máis intervencións e por unanimidade, o Pleno adopta o seguinte acordo:

1º. Aprobar o réxime de dedicación exclusiva para os seguintes cargos da Deputación Provincial de Ourense para o mandato 2023 - 2027:

- A Presidencia da Deputación, con retribución íntegra mensual de 5.166,09 € en 14 pagas.
- A Vicepresidencia 2ª e 3ª da Deputación, con retribución íntegra mensual equivalente á dun director xeral da Comunidade Autónoma.
- A Presidencia do INORDE, con retribución íntegra mensual de 3.916,92 euros.
- Ata un máximo de tres cargos de deputado – delegado de área, a determinar pola Presidencia (sempre que teñan delegada a facultade de ditar actos administrativos con efectos fronte a terceiros), cunha retribución bruta anual de 48.000,00 euros.
- Os grupos políticos definirán de xeito discrecional os cargos con réxime de dedicación exclusiva ou parcial, podendo asignala tanto ao portavoz titular como aos seus suplentes ou adxuntos, e tanto aos cargos con funcións de coordinación xeral como a cargos de apoio ao coordinador xeral ou de coordinación ou responsabilidade en materias ou asuntos concretos. Os límites aplicables son os seguintes:
 - Grupo Popular (PP): 2 dedicacións exclusivas.
 - Grupo Socialista (PS de G-PSOE): 3 dedicacións exclusivas.
 - Grupo do BNG: 2 dedicacións exclusivas.
 - Grupo de D.O.: 1 dedicación exclusiva.

Cada cargo dos grupos políticos en réxime de dedicación exclusiva terá unha retribución de 41.000,00 euros brutos anuais.

Para estes efectos, e dentro dos límites máximos sinalados nesta base, os grupos políticos, mediante escrito asinado polo seu portavoz titular, determinarán os cargos con dereito a retribución e nomearán ás persoas que os desempeñarán. Para a súa eficacia, os acordos dos grupos deberán ser ratificados por resolución da Presidencia, que unicamente poderá denegar a ratificación no caso de que o acordo do grupo político infrinja as presentes bases ou non se axuste a Dereito. A resolución da Presidencia deberá ditarse e notificarse ao grupo no prazo máximo de tres (3) días hábiles dende que o escrito do grupo tivese entrada no rexistro xeral da Deputación, entendéndose outorgada por silencio administrativo en caso contrario, conforme ás normas xerais en materia de procedemento.

Os grupos poderán acordar o exercicio de todos ou dalgúns dos seus cargos en réxime de dedicación parcial, incrementando o número de cargos con dedicación sempre que se respecte a súa equivalencia económica co límite das dedicacións exclusivas de que dispoñen. Os

cargos en réxime de dedicación parcial terán a retribución que proporcionalmente lles corresponda.

As retribucións por dedicación exclusiva que figuran no presente acordo (Presidencia, Vicepresidencias, Presidencia do INORDE, Deputados/as – delegados/as de área e cargos con dedicación dos grupos políticos), actualizaranse anualmente na porcentaxe que se fixe, no seu caso, a Lei de Orzamentos Xerais do Estado e que sexan de aplicación para o persoal funcionario da Deputación Provincial.

2º. Aprobar as seguintes contías como indemnizacións por asistencias a órganos colexiados da DPO:

- *Por cada asistencia á sesión do Pleno: 350,00 euros, cun máximo dunha percepción por mes.*
- *Por cada asistencia ás sesións da Xunta de Goberno e das Comisións Informativas: 200,00 euros.*

3º. Publicar o presente acordo no BOP e na sede electrónica provincial.

-

9º.- MODIFICACIÓN DA RELACIÓN DE POSTOS DE TRABALLO NO RELATIVO AO PERSOAL EVENTUAL. MANDATO 2023-2027.-

O Sr. secretario dá lectura á proposta da Presidencia.

Non se producen intervencións e, por unanimidade, o Pleno adopta o seguinte acordo:

1º) Aprobar inicialmente a modificación inicial da Relación de Postos de Traballo da Deputación Provincial, no relativo ao persoal eventual, no seguinte sentido:

Na Área de Presidencia, modifícanse a determinación 2ª e 3ª no relativo ao persoal eventual, quedando establecidos os postos do dito persoal nos seguintes termos:

RPT DE PERSONAL EVENTUAL (27 POSTOS)

2º) Gabinete de Presidencia: (13 POSTOS)

1 Xefe/a do Gabinete da Presidencia, Persoal Eventual asimilado ao Grupo A1. Nivel 27. Retribución bruta anual: 52.102,26 €. Forma de provisión: non procede pola especial natureza dos postos de persoal eventual.

1 Asesor/a de Comunicación da Presidencia, Persoal Eventual asimilado ó Grupo A1. Nivel 27. Retribución bruta anual: 52.102,26 euros. Posto singularizado. Forma de provisión: non procede, pola especial natureza dos postos de persoal eventual.

1 Asesor/a Técnico/a da Presidencia en política físico-deportiva e recreativa. *Persoal Eventual asimilado ao Grupo A1. Nivel 25. Retribución bruta anual: 46.955,16 euros. Forma de provisión: non procede pola especial natureza dos postos de persoal eventual.*

1 Asesor/a de Proxectos Estratéxicos da Presidencia, *Persoal Eventual asimilado ao Grupo A1. Nivel 26. Retribución bruta anual: 46.955,16 euros. Forma de provisión: non procede pola especial natureza dos postos de persoal eventual.*

4 Asesor/a de Presidencia. *Persoal eventual, asimilado ó grupo A2. Nivel 22. Retribución bruta anual: 43.639,54 euros. Forma de provisión: non procede, pola especial natureza dos postos de persoal eventual.*

5 Administrativos de Presidencia: *Persoal eventual, asimilado ó grupo C1. Nivel 19. Retribución bruta anual: 32.662,70 euros. Forma de provisión: non procede, pola especial natureza dos postos de persoal eventual.*

3º) Persoal ao servizo dos grupos políticos: (14 POSTOS)

Grupo Popular (5):

1 Coordinador de Grupo Político: *Persoal eventual, asimilado ó grupo A1. Nivel 27. Retribución bruta anual: 46.954,60 euros. Forma de provisión: non procede, pola especial natureza dos postos de persoal eventual.*

1 Asesores Políticos de Grupo: *Persoal eventual, asimilado ó grupo A2. Nivel 24. Retribución bruta anual: 43.611,43 euros. Forma de provisión: non procede, pola especial natureza dos postos de persoal eventual.*

3 Administrativos de Grupo Político: *Persoal eventual, asimilado ó grupo C1. Nivel 19. Retribución bruta anual: 32.662,70 euros. Forma de provisión: non procede, pola especial natureza dos postos de persoal eventual.*

Grupo do PSdG-PSOE (4):

3 Asesor Político de Grupo: *Persoal eventual, asimilado ó grupo A2. Nivel 24. Retribución bruta anual: 43.611,43 euros. Forma de provisión: non procede, pola especial natureza dos postos de persoal eventual.*

1 Administrativos de Grupo Político: *Persoal eventual, asimilado ó grupo C1. Nivel 19. Retribución bruta anual: 32.662,70 euros. Forma de provisión: non procede, pola especial natureza dos postos de persoal eventual.*

Grupo de Democracia Ourensana (3):

1 Asesor Político de Grupo: Persoal eventual, asimilado ó grupo A2. Nivel 24. Retribución bruta anual: 43.611,43 euros. Forma de provisión: non procede, pola especial natureza dos postos de persoal eventual.

2 Administrativo de Grupo Político: Persoal eventual, asimilado ó grupo C1. Nivel 19. Retribución bruta anual: 32.662,70 euros. Forma de provisión: non procede, pola especial natureza dos postos de persoal eventual.

Grupo do BNG (2):

2 Administrativo de Grupo Político: Persoal eventual, asimilado ó grupo C1. Nivel 19. Retribución bruta anual: 32.662,70 euros. Forma de provisión: non procede, pola especial natureza dos postos de persoal eventual.

2º) O presente acordo someterase a información pública por prazo de vinte días hábiles, mediante anuncio inserido no Boletín Oficial da Provincia de Ourense, durante o que os interesados poderán formular reclamacións, que serán expresamente resoltas polo Pleno.

En caso de non formularse reclamacións, entenderase, de forma automática, definitivamente adoptado o acordo ata entón inicial, procedéndose á súa publicación no BOP para a súa entrada en vigor, con efectos desa data.

10º.- DACIÓN DE CONTA DA CONSTITUCIÓN DOS GRUPOS POLÍTICOS DA CORPORACIÓN E DA DESIGNACIÓN DOS SEUS PORTAVOCES PARA O MANDATO 2023-2027.-

Dáse conta ao Pleno da constitución dos grupos políticos da Corporación para o mandato 2023-2027, así como da designación de portavoces, co seguinte detalle:

GRUPO POPULAR: integrado por doce (12) deputados/as do Partido Popular, que designan voceira a dona Ana Patricia Torres Madureira e como suplentes a don César Manuel Fernández Gil e don Plácido Álvarez Dobaño.

GRUPO SOCIALISTA: integrado por sete (7) deputados/as do PSdeG.-PSOE, que designan como voceiro a don Álvaro Vila Araújo, como vicevoceiro adxunto primeiro a José Ignacio Gómez Pérez e como vicevoceira adxunta segunda a dona Elvira Lama Fernández.

GRUPO DE DEMOCRACIA OURENSANA: integrado por tres (3) deputados de Democracia Ourensana, que designan como voceiro a don Armando Ojea Bouzo e como suplente a don Rafael Martínez Cachafeiro.

GRUPO DO BNG: integrado por tres (3) deputados do BNG, que designan como voceiro a Bernardo Varela López e como voceiros suplentes a don Xosé Manuel Puga González e a dona María Mangana Guede.

11º.- DACIÓN DE CONTA DA RESOLUCIÓN RELATIVA AO NOMEAMENTO DOS MEMBROS DA XUNTA DE GOBERNO.-

Dáselle conta ao Pleno da seguinte resolución da Presidencia:

“Nomeamento de membros da Xunta de Goberno da Deputación Provincial de Ourense ao inicio do mandato 2023 - 2027

De conformidade co establecido nos artigos 32.1 da Lei 7/1985, de 2 de abril, reguladora das bases do réxime local, e 103 da Lei 5/1997, de Administración Local de Galicia, a Xunta de Goberno é un órgano de existencia necesaria en todas as deputacións provinciais.

Ao respecto, o artigo 35.1 da dita lei especifica que a Xunta de Goberno se integra pola Presidencia e un número de deputados e deputadas que non exceda dun terzo (1/3) do número legal de membros da Corporación.

Dado que o número legal de membros da Deputación Provincial de Ourense é de vinte e cinco (25), a Xunta de Goberno estará integrada pola Presidencia e un máximo de oito (8) deputados ou deputadas.

A designación dos membros da Xunta de Goberno correspóndelle á Presidencia, efectuando a dita designación libremente e dando conta ao Pleno na primeira sesión que teña lugar. Ademais, e de conformidade co establecido no artigo 72.4 en relación 66.1 do Regulamento de organización, funcionamento e réxime xurídico das entidades locais, aprobado polo Real decreto 2568/1986, de 28 de novembro, o nomeamento dos membros da Xunta debe ser obxecto de notificación persoal aos interesados e publicación no Boletín Oficial da Provincia, sen prexuízo da súa efectividade a partir do día seguinte ao da súa sinatura, agás que na resolución se dispoña outra cousa.

Polo exposto, DISPOÑO:

1º. Nomear como membros da Xunta de Goberno da Deputación Provincial de Ourense aos seguintes deputados e deputadas:

- Dona Marta Nóvoa Iglesias
- Don César Manuel Fernández Gil
- Don Plácido Álvarez Dobaño

- Don Rosendo Luís Fernández Fernández
- Don Jorge Pumar Tesouro
- Don Manuel Seoane Rodríguez
- Dona Ana Patricia Torres Madureira
- Dona Teresa Barge Bello.

O presente nomeamento, do que se dará conta ao Pleno na primeira sesión que teña lugar, será obxecto de publicación no Boletín Oficial da Provincia e notificación persoal aos interesados, sen prexuízo da súa efectividade a partir do día seguinte ao da data de sinatura electrónica desta resolución”.

12º.- DACIÓN DE CONTA DA RESOLUCIÓN RELATIVA AO NOMEAMENTO DA VICEPRESIDENTA PRIMEIRA DA DEPUTACIÓN PROVINCIAL DE OURENSE.-

Dáse conta ao Pleno da seguinte resolución da Presidencia:

Nomeamento da vicepresidenta primeira da Deputación Provincial de Ourense para o mandato 2023 – 2027.

De conformidade co establecido no artigo 32.1 da Lei 7/1985, reguladora das bases do réxime local, e no artigo 103 da Lei 5/1997, de Administración Local de Galicia, os vicepresidentes son un órgano de existencia necesaria en todas as deputacións provinciais de réxime común. De acordo co artigo 35.4 da Lei 7/1985, reguladora das bases do réxime local, e o artigo 104.2 da Lei 5/1997, de Administración Local de Galicia, correspóndelle á Presidencia designar libremente aos vicepresidentes entre os membros da Xunta de Goberno, debendo observarse as formalidades previstas no artigo 66.1 do Regulamento de organización, funcionamento e réxime xurídico das entidades locais, aprobado por Real decreto 2568/1986, de 28 de novembro.

No día da data, dona Marta Nóvoa Iglesias foi designada membro da Xunta de Goberno, polo que reúne os requisitos legais para ser nomeada vicepresidenta da Deputación.

Polo exposto, DISPOÑO:

- Nomear vicepresidenta primeira da Deputación Provincial de Ourense á deputada provincial dona Marta Nóvoa Iglesias.

O presente nomeamento, do que se dará conta ao Pleno na primeira sesión que teña lugar, será obxecto de publicación no Boletín Oficial da Provincia e notificación persoal ao interesado,

sen prexuízo da súa efectividade a partir do día seguinte ao da data de sinatura electrónica desta resolución”.

13º.- DACIÓN DE CONTA DA RESOLUCIÓN RELATIVA AO NOMEAMENTO DO VICEPRESIDENTE SEGUNDO DA DEPUTACIÓN PROVINCIAL DE OURENSE.-

Dáse conta ao Pleno da seguinte resolución da Presidencia:

Nomeamento do vicepresidente segundo da Deputación Provincial de Ourense para o mandato 2023 – 2027.

De conformidade co establecido no artigo 32.1 da Lei 7/1985, de 2 de abril, reguladora das bases do réxime local, os vicepresidentes son un órgano de existencia necesaria en todas as deputacións provinciais de réxime común.

De acordo co artigo 35.4 da dita lei, correspóndelle á Presidencia designar libremente aos vicepresidentes entre os membros da Xunta de Goberno. Debendo observarse as formalidades previstas no artigo 66.1 do Regulamento de organización, funcionamento e réxime xurídico das entidades locais, aprobado por Real decreto 2568/1986, de 28 de novembro.

No día da data, don César Manuel Fernández Gil foi designado membro da Xunta de Goberno, polo que reúne os requisitos legais para ser nomeado vicepresidente da Deputación.

Polo exposto, DISPOÑO:

Nomear vicepresidente segundo da Deputación Provincial de Ourense ao deputado provincial don César Manuel Fernández Gil.

O dito cargo exercerase en réxime de dedicación exclusiva, conforme ao disposto na base 67ª dos vixentes orzamentos provinciais.

O presente nomeamento, do que se dará conta ao Pleno na primeira sesión que teña lugar, será obxecto de publicación no Boletín Oficial da Provincia e notificación persoal ao interesado, sen prexuízo da súa efectividade a partir do día seguinte ao da data de sinatura electrónica desta resolución”.

14º.- DACIÓN DE CONTA DA RESOLUCIÓN RELATIVA AO NOMEAMENTO DO VICEPRESIDENTE TERCEIRO DA DEPUTACIÓN PROVINCIAL DE OURENSE.-

Dáse conta ao Pleno da seguinte resolución da Presidencia:

Nomeamento de vicepresidente terceiro da Deputación Provincial de Ourense para o mandato 2023 – 2027.

De conformidade co establecido no artigo 32.1 da Lei 7/1985, de 2 de abril, reguladora das bases do réxime local, os vicepresidentes son un órgano de existencia necesaria en todas as deputacións provinciais de réxime común.

De acordo co artigo 35.4 da dita lei, correspóndelle á Presidencia designar libremente aos vicepresidentes entre os membros da Xunta de Goberno, debendo observarse as formalidades previstas no artigo 66.1 do Regulamento de organización, funcionamento e réxime xurídico das entidades locais, aprobado por Real decreto 2568/1986, de 28 de novembro.

No día da data, don Plácido Álvarez Dobaño foi designado membro da Xunta de Goberno, polo que reúne os requisitos legais para ser nomeado vicepresidente da Deputación.

Aínda que a Deputación Provincial de Ourense consta xa con dous vicepresidentes, estímase conveniente designar un terceiro vicepresidente, co fin de complementar a organización do goberno provincial, reforzando a garantía do desempeño permanente das funcións de presidencia no caso de ausencias do seu titular.

Polo exposto, DISPOÑO:

Nomear vicepresidente terceiro da Deputación Provincial de Ourense ao deputado provincial don Plácido Álvarez Dobaño.

O presente nomeamento, do que se dará conta ao Pleno na primeira sesión que realice, será obxecto de publicación no Boletín Oficial da Provincia e notificación persoal ao interesado, sen prexuízo da súa efectividade a partir do día seguinte ao da data de sinatura electrónica desta resolución”.

15º.- DACIÓN DE CONTA DA RESOLUCIÓN DE DELEGACIÓNS DE ATRIBUCIÓNS DA PRESIDENCIA EN DEPUTADOS DE ÁREA E DELEGACIÓNS ESPECIAIS NO MANDATO 2023-2027.-

Dáse conta ao Pleno da seguinte resolución da Presidencia:

Delegación de atribucións da Presidencia en deputados e deputadas de área e delegacións especiais para o mandato 2023 – 2027.

Unha vez iniciado o mandato 2023 – 2027 da Deputación Provincial de Ourense, e logo de que se procedese á designación da Xunta de Goberno e dos seus vicepresidentes, resulta necesario, por razóns de eficacia, organizar a distribución de responsabilidades entre os membros do equipo de goberno, mediante a delegación do exercicio das atribucións da Presidencia, establecendo as oportunas delegacións de área a desempeñar por integrantes da

Xunta de Goberno, e sen prexuízo da concesión de delegacións especiais a outros deputados ou deputadas.

Polo exposto, DISPOÑO:

Delegar nos deputados que se mencionan as seguintes áreas de responsabilidade, que se transcriben a continuación:

1º) Delegación de área a favor de membros da Xunta de Goberno: deléganse nos membros da Xunta de Goberno que se indican de seguido as funcións de xestión política das áreas de acción que se sinalan en cada caso:

- D^a. Marta Nóvoa Iglesias, na Área de Facenda, Economía e Recursos Humanos.
- D. César Manuel Fernández Gil, na Área de Cultura, Educación e Deporte.
- D. Plácido Álvarez Dobaño, na Área de Administración Provincial, Transparencia, Emerxencias e Cooperación Transfronteiriza.
- Don Jorge Pumar Tesouro, na Área de Innovación, Obxectivos de Desenvolvemento Sostible e Axenda 2030.
- Don Rosendo Luis Fernández Fernández, na Área de Turismo, Termalismo e Representación Institucional.
- D^a. Ana Patricia Torres Madureira, na Área de Políticas sociais, conciliación e envellecemento activo.
- D. José María Lago Cabo, na Área de Medio Ambiente e Enerxía.

A delegación comprende o estudo e proposta de accións para realizar durante o vixente mandato nas áreas respectivas, así como a dirección operativa do persoal das unidades administrativas correspondentes.

Nas delegacións conferidas non se inclúe a facultade de ditar actos administrativos con efectos fronte terceiros, agás nos seguintes supostos:

A.- Dona Marta Nóvoa Iglesias, como deputada delegada da Área de Facenda, Economía e Recursos Humanos, exercerá as seguintes atribucións propias da Presidencia:

- a) O recoñecemento e liquidación de obrigacións de carácter contractual.
- b) A ordenación de pagos de obrigacións recoñecidas previamente.
- c) A facultade de ditar todos os actos administrativos fronte terceiros en materia de xestión tributaria e recadación que correspondan a esta Deputación, tanto respecto dos seus tributos propios como dos tributos municipais delegados na Deputación. Exceptúanse do ámbito desta

delegación aqueles actos de recadación que lle correspondan ao tesoureiro da Deputación Provincial, así como a revogación dos actos de aplicación dos tributos, propios e delegados.

- d) A incoación e resolución de procedementos sancionadores en materia tributaria, con excepción da revogación de actos de imposición de sancións.
- e) Os actos de incoación, trámite e resolución que lle correspondan á Presidencia en todo tipo de procedementos relativos a subvencións, agás no caso das subvencións e programas de cooperación tramitados pola Área de Benestar da Deputación, que corresponderán á deputada-delegada da Área Políticas sociais, conciliación e envellecemento activo, e no caso das subvencións e programas de cooperación tramitados pola Área de Cultura e Deporte, que corresponderán ao deputado – delegado da Área de cultura, Educación e Deporte.
- f) Os actos de trámite e resolución de expedientes en materia de xestión de recursos humanos, agás os seguintes:
- Os actos relativos á oferta de emprego público.
 - Os actos relativos aos procedementos de selección de persoal e provisión de postos de traballo.
 - Os actos relativos a procedementos disciplinarios.
 - Os actos relativos á negociación colectiva que non lle correspondan ao Pleno.

As delegacións especificadas en todos os apartados anteriores, inclúen en todos os supostos a facultade de resolución dos recursos ou reclamacións que se interpoñan en vía administrativa.

B.- D. Plácido Álvarez Dobaño, como deputado delegado da Área de Administración Provincial, Transparencia, Emerxencias e Cooperación Transfronteiriza, exercerá as seguintes atribucións propias da Presidencia:

- a) A resolución de solicitudes de execución de obras, plantacións, e outras actuacións suxeitas a autorización previa, nas zonas de dominio público, servidume e afección das estradas de titularidade provincial.
- b) A incoación e resolución de procedementos sancionadores por infraccións ao disposto na lexislación de uso e defensa das estradas provinciais.
- c) A resolución das solicitudes de devolución de garantías constituídas para a execución de obras ou outras actuacións en zonas de dominio público, servidume ou afección das estradas provinciais.
- d) A incoación e resolución de procedementos de reclamacións de responsabilidade patrimonial a terceiros por danos nas estradas de titularidade provincial.

- e) A resolución de solicitudes de autorización de cortes de tráfico en estradas de titularidade provincial.
- f) A resolución de solicitudes de permisos de circulación de vehículos por estradas provinciais.
- g) A adopción dos seguintes actos de trámite nas obras executadas pola Deputación Provincial, tanto por contrata como por administración, así como os relativos a cortes de tráfico de estradas:
- Actas de aprobación do plan de seguridade e saúde.
 - Actas de nomeamento da persoa que asume as funcións do recurso preventivo das obras que sexan por administración.
 - Comunicacions á autoridade laboral de apertura de centros de traballo das obras que sexan por administración.
 - Comunicacions á Xunta de Galicia de apertura de centros de traballo.
 - Actas de aprobación da avaliación de riscos (plan de prevención) de obras sen proxecto.
 - Autorizacións de gasto para a publicación en medios de comunicación social de anuncios de cortes de estradas. Non obstante, a sinatura dos anuncios corresponderalle á Presidencia.
- h) O exercicio das facultades para ditar todos os actos administrativos, tanto de trámite como resolutorios, que lle corresponden a esta Presidencia nos expedientes de expropiación forzosa tramitados por esta Deputación Provincial, tanto da propia Deputación ou dos seus entes vinculados ou dependentes, como os das entidades locais da provincia que se tramiten por delegación. Exceptúase da delegación a ordenación dos pagos derivados das expropiación, que se realizara polo deputado – delegado de Facenda.

As delegacións especificadas en todos os apartados anteriores, inclúen en todos os supostos a facultade de resolución dos recursos ou reclamacións que se interpoñan en vía administrativa.

C.- Don César Manuel Fernández Gil, como deputado delegado da Área de Cultura, Educación e Deporte, exercerá as seguintes atribucións propias da Presidencia:

- a) A adxudicación e formalización dos contratos privados relativos á celebración de concertos, representacións teatrais e demais de contido artístico que se celebren no Teatro Principal, tanto dos contratados a *caché* como dos verificados mediante alugueiro do edificios.
- b) A cesión temporal de uso das dependencias do Teatro Principal e do Centro Cultural Provincial Marcos Valcárcel a entidades públicas e entidades privadas de interese público para fins que redunden en beneficio da provincia.

- c) A representación da Deputación Provincial nas comisións de valoración de procedementos de concesión de subvencións en materia cultural e deportiva.
- d) Os actos administrativos de trámite e resolutorios que se diten en cumprimento das previsións do Regulamento de utilización e Funcionamento do Pazo dos Deportes Paco Paz e demais normativa reguladora da referida instalación provincial.

As delegacións especificadas en todos os apartados anteriores, inclúen en todos os supostos a facultade de resolución dos recursos ou reclamacións que se interpoñan en vía administrativa.

D.- Dona Ana Patricia Torres Madureira, como deputada delegada da Área de Políticas Sociais, Conciliación e Envellecemento Activo, exercerá as seguintes atribucións propias da Presidencia:

- a) A incoación, de se – lo caso, e a resolución dos procedementos de declaración de usuarios do Servizo de Teleasistencia Domiciliaria nas situacións de alta, espera de alta, baixa ou suspensión do servizo, así como as resolucións de denegación do acceso ao servizo ou da súa extinción.
- b) Os actos de incoación, trámite e resolución que lle correspondan á Presidencia en todo tipo de procedementos relativos ás subvencións e convenios ou programas de cooperación en materia de políticas sociais tramitados pola Área de Benestar, incluíndo os actos de xestión económica que se diten neses procedementos (agás os de ordenación de pagos) e o exercicio da representación da Deputación Provincial nas comisións de seguimento ou órganos análogos relativos aos convenios, plans ou programas de cooperación nesta materia.

As delegacións especificadas en todos os apartados anteriores, inclúen en todos os supostos a facultade de resolución dos recursos ou reclamacións que se interpoñan en vía administrativa.

E.- Don Rosendo Luis Fernández Fernández, como deputado delegado da Área de Turismo, Termalismo e Representación Institucional, exercerá as seguintes atribucións propias da Presidencia:

- a) Os actos de incoación, trámite e resolución que lle correspondan á Presidencia en todo tipo de procedementos relativos ás subvencións e convenios ou programas de cooperación en materia de termalismo tramitados pola Deputación Provincial, incluíndo os actos de xestión económica que se diten neses procedementos (agás os de ordenación de pagos) e o exercicio da representación da Deputación Provincial nas comisións de seguimento ou órganos análogos relativos aos convenios, plans ou programas de cooperación nesta materia.

- b) O exercicio da representación da Deputación Provincial nas comisións de seguimento ou órganos análogos relativos aos convenios, plans ou programas de cooperación en de turismo. As delegacións especificadas en todos os apartados anteriores, inclúen en todos os supostos a facultade de resolución dos recursos ou reclamacións que se interpoñan en vía administrativa.

F.- Don Jorge Pumar Tesouro, como deputado delegado da Área de Innovación, Obxectivos de Desenvolvemento Sostible e Axenda 2030, exercerá as seguintes atribucións propias da Presidencia:

- a) Os actos de incoación, trámite e resolución que lle correspondan á Presidencia en todo tipo de procedementos relativos a subvencións tramitados pola Área de Transparencia e Goberno Aberto, incluíndo os actos de xestión económica que se diten neses procedementos (agás os de ordenación de pagos) e o exercicio da representación da Deputación Provincial nas comisións de seguimento ou órganos análogos relativos aos convenios, plans ou programas de cooperación nesta materia.
- b) Os actos de execución dos convenios, plans ou programas de cooperación e/ou asistencia a municipios e outras entidades locais da provincia en materias propias da súa área, agás os que correspondan ao deputado delegado de facenda ou ao deputado delegado de administración provincial.
- c) Os actos de incoación, trámite e resolución que lle correspondan á Presidencia en todo tipo de procedementos relativos aos exercicios de dereitos previstos na Lei Orgánica de Protección de datos persoais e garantía dos dereitos dixitais e no Regulamento Xeral de protección de datos, ou norma que os substitúa.
- d) Os actos de incoación, trámite necesarios para o impulso e dirección da estratexia tecnolóxica e de innovación do sector público provincial.
- e) Os actos de incoación, trámite e resolución que lle correspondan á Presidencia en todo tipo de procedementos da Deputación Provincial relativos á implantación e seguimento dos ODS e da Axenda 2030.

As delegacións especificadas en todos os apartados anteriores, inclúen en todos os supostos a facultade de resolución dos recursos ou reclamacións que se interpoñan en vía administrativa.

G.- Don José María Lago Cabo, como deputado delegado da Área de Medio Ambiente e Enerxía, exercerá as seguintes atribucións da Presidencia:

- a) A representación da Deputación Provincial nas comisións de seguimento dos convenios, plans ou programas de cooperación entre a Deputación Provincial e o resto de entidades

loais da provincia relativos á Rede Provincial de Centros de Recollida de Animais Abandonados, incluíndo as facultades propias da Presidencia da dita comisión cando lle corresponda á Deputación.

- b) Os actos de execución dos convenios, plans ou programas de cooperación entre a Deputación Provincial e o resto de entidades locais da provincia relativos á Rede Provincial de Centros de Recollida de Animais Abandonados, agás os que correspondan ao deputado delegado de facenda ou ao deputado delegado de administración provincial en materia de xestión económica e de recursos humanos, respectivamente, e os que lle correspondan á Presidencia en materia de recursos humanos.
- c) Os actos de execución dos convenios, plans ou programas de cooperación e/ou asistencia a municipios e outras entidades locais da provincia, agás os que correspondan ao deputado delegado de facenda ou ao deputado delegado de administración provincial en materia de xestión económica e de recursos humanos, e os que lle correspondan á Presidencia en materia de recursos humanos.

Exceptúanse, igualmente, os actos de execución de convenios, plans ou programas que especificamente se deleguen noutros deputados – delegados.

- d) A representación da Deputación Provincial nas comisións de seguimento dos convenios, plans ou programas de cooperación entre a Deputación Provincial e o resto de entidades locais da provincia tramitados pola Área de Medio Ambiente, incluíndo as facultades propias da Presidencia da dita comisión cando lle corresponda á Deputación, agás nos casos nos que, pola especificidade da materia, esta función se delegue expresamente noutro deputado delegado.
- e) O exercicio das atribucións que lle correspondan á Presidencia para a realización das funcións delegadas polos concellos na Deputación Provincial en materia de medio ambiente, limpeza viaria e xestión de servizos municipais, incluíndo en todo caso os seguintes:
 - Os actos de tramitación e resolución de permisos especiais de vertido (incluíndo, ademais, os procedementos de concesión dos ditos permisos, os procedementos de adopción de medidas correctoras das actividades autorizadas, os procedementos de modificación e declaración de caducidade dos permisos).
 - A incoación e resolución de expedientes sancionadores en materia de residuos sólidos urbanos, limpeza viaria e vertido de augas residuais.

- A tramitación e resolución dos procedementos de retirada de vehículos estacionados na vía pública.

As delegacións especificadas en todos os apartados anteriores, inclúen en todos os supostos a facultade de resolución dos recursos ou reclamacións que se interpoñan en vía administrativa.

2º.- Delegacións especiais de dirección interna e de xestión a favor de deputados e deputadas:

Confírense, ao abeiro do artigo 63.4 e 5 do ROF, as seguintes delegacións especiais, a favor de deputados/sas, para a dirección interna e xestión política dos asuntos determinados que se indican en cada caso:

- a) D. Manuel Seoane Rodríguez**, estudo e proposta de accións para realizar durante o vixente mandato en materia de Infraestruturas. Nesta delegación non se inclúe a facultade de ditar actos administrativos con efectos fronte terceiros.
- b) D^a. Teresa Barge Bello**, estudo e proposta de accións para realizar durante o vixente mandato en materia de Igualdade e Mocidade. Nesta delegación non se inclúe a facultade de ditar actos administrativos con efectos fronte terceiros.
- c) D. Xosé Miguel Pérez Blecua**, estudo e proposta de accións para realizar durante o vixente mandato en materia de Novas Tecnoloxías, Reto Demográfico e dinamización do Medio Rural. Nesta delegación non se inclúe a facultade de ditar actos administrativos con efectos fronte terceiros.
- d) Dona María del Carmen González Quintela**, estudo e proposta de accións para realizar durante o vixente mandato no ámbito xeográfico dos concellos da comarca de Valdeorras. Nesta delegación non se inclúe a facultade de ditar actos administrativos con efectos fronte terceiros.

No exercicio das súas funcións, os deputados con delegación especial poderán requirir o acceso á información dispoñible na Corporación e a colaboración e apoio técnico do persoal das unidades administrativas correspondentes.

3º.- O exercicio das atribucións delegadas levarase a cabo con estrita suxeición á normativa vixente.

4º.- As delegacións conferidas producirán efectos a partir do día seguinte ao da sinatura da presente resolución, sen prexuízo da súa notificación aos interesados, da preceptiva publicación no BOP e da dación de conta ao Pleno na primeira sesión que teña lugar.

PEGADA DIXITAL VÍDEO

Url

https://depourense.seneca.tv:443/s/CdpIJxHeyAwMLIt4N3aQlaf4c84eVjkhp5GTDmVZbD7
EF6Nx.wmv

SHA512

6eadee66701a5e440cf9767240a7d888adad0565bac6f7f3a69b1539c112fac3dda87fb
d5e9922500e5e48de6245b2c0652bc7c12295cea45e3a66fcf5a7fcd7

E, ás dez horas e dezanove minutos, dáse por finalizada a reunión, redactándose esta acta, que se asinará electronicamente. Dou fe.